

東

郭

記

此序便
知峨眉
引腸東郭
人意矣誰
元生日當
與孟子
不朽誠然

東郭記引

峨眉子曰樂府之傳其間節
義廉恥不過十之一耳盡爲
富貴利達者傳耳既盡爲富
貴利達者傳則齊人老先生

又安可不傳乎。況其二夫人更超超賢甚者乎。然予傳之。而中庭訕泣以後。多增益之者何也。皆鄒夫子意也。蓋乞墦者必登壠。而妻妾之奉宮

此一事
齊人難之
矣

室之美。所識窮乏者之得我。
總皆大人所必至者耳。然而
卒托之附於陵以終者。何也。
則以齊人丈固猶可附于於
陵也。蓋乞矣。而尚欲蓋之。爲

之妻妾者知矣。而尚復羞之。
如齊人生者反可謂之陳仲。
子。而其妻其妾亦貴婦中之。
辟纁人矣。又安可以不傳乎。
嗟夫。假令吾孟老觀之。又不

知歎息何如矣。

萬曆戊午重九越三日峨眉
子書於白雪樓

東郭記目錄

上卷

第一齣

離婁章句下
○用東紅韻

第二齣

人之所以求富貴利
達者○用齊微韻

第三齣

少艾○用
蕭韶韻

第四齣

井上有李○
川車夫韻

第五齣

則將搜之乎
○用清明韻

第六齣

齊東野人之語
○重用清明

第七齣

媒妁之言○
用南三韻

第八齣

綿駒○用
嘉華韻

第九齣 則得妻。
重。用嘉華。

第十齣 日懷其鄰之雞
者。用那陽韻。

第十一齣 鑽穴隙。
重。用那陽韻。

第十二齣 以利言也。
用金音韻。

第十三齣 一。用
幽游韻。

第十四齣 先名實者。
用真文韻。

第十五齣 其良人出。
用寒間韻。

第十六齣 他日歸。
用廉纖韻。

第十七齣 與之偕而不自失
焉。用支時韻。

第十八齣 出而哇之。
用何和韻。

第十九齣

吾將觀良人之所
之也。用皆來韻

第二十齣

蚤起。用
先天韻

第二十一齣

偏國中。
用鴛鴦韻

第二十二齣

卒之東郭墻間之
祭者。用車邪韻

下卷

第二十三齣

與其妾誦其良人而相
泣於中庭。用齊微

第二十四齣

頑夫廉。
用蕭韶

第二十五齣

將有遠行。
重用車夫

第二十六齣

妾婦之道。
三用車夫

第二十七齣

丈夫生。
重用清明

第二十八齣

爲人也。重川南三。

第二十九齣

與之大夫。三用嘉華。

第三十齣

想剛思君爾。重用金音。

第三十一齣

而獨於富貴之中有私。龍斷焉。重用真文。

第三十二齣

右師不悅。三用邦陽。

第三十三齣

說。重用幽游。

第三十四齣

託其妻子於其友。三用幽游。

第三十五齣

爲將軍。重用寒間。

第三十六齣

戰必勝。三用寒間。

第三十七齣

爲衣服。重用廉緝。

第三十八齣

詔○重用支特

第三十九齣

妻妾之奉○重用何和

第四十齣

百工之事○重用鸞端

第四十一齣

共妻妾不差也○重用皆來

第四十二齣

所識窮乏者得我○重用先天

第四十三齣

殆不可復○重用車邪

第四十四齣

由君子觀之○重用東紅

齊人本傳
是太史公列傳之一說
齊人有一妻一妾而處室者其良人出則必饜酒肉
而後反其妻問所與飲食者則盡富貴也其妻告其
妾曰良人出則必饜酒肉而後反問其與飲食者盡
富貴也而未嘗有顯者來吾將瞞良人之所之也蚤
起施從良人之所之徧國中無與立談者卒之東郭
墦間之祭者乞其餘不足又顧而之他此其為饜足
之道也其妻歸告其妾曰良人者所仰望而終身也
今若此與其妾訕其良人而相泣於中庭而良人未
之知也施施從外來驕其妻妾

東郭記 本傳

索隱一贊
幻妙絕倫

出。君。子。觀。之。則。人。之。所。以。求。富。貴。利。達。者。其。妻。妾。不。
通。身。汗。下。羞。也。而。不。相。泣。者。幾。希。矣。

索隱贊曰。齊人何始。未稽厥父。善處爾室。二美在戶。
出必饜飽。入每歌舞。問厥與者。云是賢主。室人疑之。
未見顯甫。循彼行迹。東郊之塢。乞而視他。饜足何補。
羞語爾娣。淚淫如雨。詎嘗未畢。厥來我豎。未知爾牖。
驕疾罔愈。君子念之。我目屢視。朝有結。跟。可。贊。却。可。有。無。可。限。可。味。姬士。或商賈。
蒙其二女。式喜無怒。一或見焉。有如如。如。神。

東郭記卷上

白雪樓主人編本

第一齣

離婁章句下

樂府第一
青○或題
之曰解嘲
或題之曰
零賓戲

西江月末笑上莫怪吾家孟老也知徧國皆公些兒

不脫利名中盡是乞墦登塋絕世名言長袖妻孥易與高巾

仲子難逢而今不貴首陽風索把齊人尊捧

走東郭的齊人英雄本色訓中庭的妻妾兒女深

情隱於陵的仲子清簾腐漢爭壘斷的王驪勢利

先生妙下

第二齣 人之所以求富貴利達者

破齊陣引生青袍儒巾扮齊人上高筭已空赤縣孤

踪尚困青齊道破姜婦名流兼金世界說甚清廉道義笑

餓士西山無氣色大盜東陵有面皮吾徒聽不羈

鵬鵠天落落男兒未有妻隻身猶爾滯全齊世人

無眼空談咲吾輩多才愈滑稽能變豹會攘鷄

英雄那得效群黎他年衣錦歸來日應使鄉閭共

口提不倭齊人是也昔爲姜氏之齊今爲田和之

齊齊一變矣未爲富貴之人且爲飲食之人我何

人所普天下東西南北乞食吹竽者皆爲咱四海

兄弟盡字內秦楚燕韓傍門低戶者共是俺一家

友。生。或。在。此。或。在。彼。真。如。千。百。萬。億。之。化。身。或。在。前。或。在。後。更。似。高。曾。祖。禰。之。一。派。未。與。臨。淄。之。屬。久。爲。卽。墨。之。鰥。吐。氣。揚。眉。是。予。後。來。之。面。目。垂。頭。俯。首。乃。吾。今。日。之。神。情。彼。一。時。此。一。時。君。子。亦。有。窮。乎。爾。爲。爾。我。爲。我。丈。夫。當。如。此。矣。由。他。笑。罵。固。自。豪。雄。死。生。只。命。一。條。朋。輩。有。齊。庶。士。稷。下。淳。于。髡。滑。稽。多。智。里。中。王。子。敖。諧。媚。能。容。更。有。小。友。兩。人。合。之。是。爲。四。傑。好。四。傑。相。與。浪。游。街。市。狂。走。塵。埃。雖。則。一。時。暫。安。恐。非。終。身。長。策。不。免。待。他。每。來。時。再。商。出。處。我。想。俺。齊。人。如。此。抱。負。不。知。何。時。發。跡。也。

太師引待雄飛海內應無幾。縱飢寒心寬體肥奈枳
棘鳳鸞失勢。儘榆枋斥鷃偏譏。道胸中奇奇異異。怎
年來流離瑣尾。笑不了時人口皮。分何年男兒吐氣
揚眉。

前腔把先齊豪傑還援比。釣竿兒飛熊渭涯。痛羈囚
夷吾淹滯。笑牧豎羈縻。一般兒相投魚水轉眼
的勲名俊偉。羨高風鴻逵可儀。一任俺齊人騶尾攀
躋。

呀。却早二弟來也。扮淳于髡王驩並衣巾上。

一剪梅淳男兒未際歎無衣。空欲飛飛。那得飛飛。
王

更兼饑餓不勝啼。心事齊齊人物齊齊。

相見介生伯夷甘忍饑。商山歌采薇。唐王我輩病。

其濫用是道相違生二兄。我與你一貧如洗。日不

聊生。聚首一隅。終非高見。不佞想起來。當今之日。

賄賂公行。庶耻道盡。我輩用其長技。取富貴如拾。

芥耳。焉能爵爵久居此乎。唐王大兄言之然也。

三學士生高節清風。今已矣。英雄須識時。安堪憐。街

上惟餘我更歎。閨中未有姬。合念此青雲須早致。免

塵埃共咲嗤。

前腔。唐王自古賢豪從困起。吾儕應此爲期。而今跨

東郭記 上卷

下無完袴。他日街頭着錦衣。合前

生俺可就此分袂前去。各自求取利達。毋貽朋友之羞。淳王既然如此。俺二人就此分別。但大兄何

以教我。

生

吾聞規小節者不能成榮名。慙小耻者

不能立大功。惟去西山之面皮。乃有東陵之氣焰。

耳。淳王多謝大兄明教。俺每就此分別。相拜別介。

香柳娘望天涯。奮飛望天涯。奮飛相看短氣。論先資。

全在無廉耻。

各拭淚介

嘆知交別離。嘆知交別離。干

里勉同馳。十年作歸計。合。盼夕陽已西。盼夕陽已西。

相逢莫期。倉皇揮涕。

薄王先下生他二人已是分途前去俺不免改換行裝變易衣服執荊藜以前進持筐篋而遠行咳這都是近來求富貴的機關也改乞態介扮二小齊人乞態疾走上

前腔笑雙雙在齊笑雙雙在齊庸庸無濟有齊人兄長堪依倚到如今傍誰到如今傍誰牛後我甘隨馬腹兄何及合前

見生介兄長虧你兩三人丟了俺小齊人去也生兄弟俺此去富貴便來看你好自珍重二小哭介哥哥俺兩個是沒用的花子你去了決是餓死也

生妙。請。解。結。舌在你口中。脚在你腿下。何處不得衣食乎。俺

就此相別。你不索深悲。二小既如此。則索送大兄

一程。生二小並走介

前腔爲功名太急。爲功名太急。衣裳變易。從教諸盡

江湖味。執青青杖藜。執青青杖藜。一似。得。離。別。似狗鬚鬚還愁

尨也。吠合前

止爲名利走山川。孤身分手各淒然。丈夫會應有

知己。悠悠俗態何足纏。共下

第三齣 少艾

二女既復
嬌妍又乃

憶秦娥旦小旦艷粧扮二女上旦人間少雙雙姐妹

物齊人
有此配

紅顏好紅顏好幽居冷落深閨空老小旦奴年十五
真真小春光提著心兒曉不堪花外一聲啼鳥

迴文菩薩蠻旦早來春恨雙蛾掃小旦掃蛾雙恨

春來早旦鶯語怪聲聲小旦聲聲怪語鶯旦寂寥

空麗色小旦色麗空寥寂旦腸斷欲昏黃小旦黃

昏欲斷腸旦奴家齊之二女先君姜氏之裔不幸

棄世之後止留下俺姐妹二人藉有餘貲聊以度

日但奴年亦已十八妹子正任三五寂寞門庭蹉

跎歲月如何是好小旦姐姐俺看王孫公子結駟

連騎好不繁華俺與姐姐適人須是這般人兒方

好旦你所言正合我心。但俺門戶荒涼，姓氏未著。
便有心遇厭夫
恐富貴者不免棄之，惟擇一孤窮而個儻者，正自有富貴之日耳。妹妹你道如何？小旦然也。

金落索旦婢嬾體度嬌，綽約姿容俏。姐妹相隨兩下，
鸞鳳香東風翠翹步妖嬈。三五年華爾正饒，似俺蹉
傷春能
跔歲月人應老兀的埋沒容顏。心轉焦，何時好歎青
春十八暗中銷。背介那能勾秦樓鳳簫，明河鵲橋雙
雙的鴛鏡還同照。

前腔小旦閨中兩寂寥，花下齊歡笑。只恐子歸不得，
便含雙淚
同歸了。看王孫富饒，闌奢豪。羅帕鈿車陌上挑，他纖

穠玉貌應非少。我窈窕柔姿。只自嬌。何時好。嘆青春。
並姐暗中銷。背介。那能勾蕭郎共招。牽牛共邀。翩翩
的吉士還偕老。

旦。姊妹雖則如此。所爲歸妹。愆期遲歸。有時俺則
索等待時來便了。

劉潑帽。愆期歸妹終須好。筭三星可待非遙。天桃看
取佳期早。標梅會有冰人巧。

小旦。姐姐聖人云。二女同居。其志不同行。似俺姐
妹相得。又未必然矣。旦。妹妹。你若有此心情。我與
你共適一人何如。小旦笑介。

東郭記

前腔同居二女歸期邈。異同心鵲雙巢。大姨應得
謀蘋藻。小姨聊可同綦綯。

姐妹雖同居。所志不同行。我願不爲此。效法在皇
英。共下。

第四齣 井上有李

小生高中破衣扮陳仲子。上。吾友夷齊在首陽。只
今留得姓名香。滔滔濁世誰堪比。仰止高風去故
鄉。小生陳仲子是也。齊君不義而竊國。齊人無耻
以成風。舉一國之人若狂。卽仲子之兄不免。是以
甘心于遯。易姓爲陳。偕隱同志之妻。卜居於陵之

地因辟地以辟兄。願有同清之望。因辟兄以離母。
時懷陟屺之思。室人辟繻。小生織屨。遠達朝市之
風塵。萬鍾如莛。千乘可捐。清梅瀟湘之日。月近來。
捆屨不足。織作無餘。因之餓以三旬。不復能爲一
飽。耳目若喪。聞見如無。只索強捱幾步。雖然餓死
道旁。俺庶士甘心也。

北脫布衫。避紅塵霞韻清孤。坐青山雲骨蕭疎。弄白
石跡寄樵漁。倚蒼松游同豕鹿。

小梁州。覷他每盡日營營走穢途。泥泥如鳧爭趨。顯
者似奴僕。全無骨應自媿妻孥。

么俺因此呵孤身獨自奔荆楚卜於陵此地堪居謝
狂且離兄母偕來室子老死在吾廬

上小樓飲河偃鼠無過滿腹俺可也女執懿筐自鬻

出語自然不感元人風致

芒鞋飲食些須常則是夫婦每爲農學圃昔日箕穎
輩也於斯得趣

呀十分餓得緊了可將何物療饑乎

么俺待要吸霜華飲露濡乘雲氣凌碧宇當不得這
枵腹空虛兩眼胡塗兩足次起况又這於陵並沒却
旧幾畝何來稻黍夷齊兀的死山墟陳仲子誰人及
汝

呀。俺耳目雖昏。鼻中頗聞香氣。莫不是天公未絕
蕙士也。只索向前去着。荀荀介

耍孩兒。鼻中香氣來何處。敢天帝心憐子苦。神農虞
夏忽焉徂。怯書生願與爲徒。黜聰爲厭。談諧不見
隨他伎倆殊。我神凝注清芬。自合俗物還逋。

呀。這却是井邊也。井邊復有何物乎。

五煞。問清流何物乎。井中蛙士大夫。搃來不掛巢由。
目煙風蘿月無煩買。流水高山味可咀。他來脉兒深
堪取。清清似我。淡淡如余。

呀。上邊乃有一杲乎。此非不義之物。可以嘗之作。

膏介原來却是一李李呵陳仲子於足下有緣暫
屈爾於清人之腹矣

四煞憐予苦似渠井欄香若敷。須知此物非周粟。一
時酸澁喉三咽。數口清甘體半舒。這滋味全無俗人
之所棄。取不爲污。

呀。可可耳有聞。目有見也。誰知俺廉士之命。竟生
於一李乎。視井介呀。這井上却有蠮螋在上。蠮螋呵。
酸、極。
得罪了。

三煞囑伊蠮螋。休怪吾非是咱。奪汝餘。偶然昏憤叨卿
姐。黃泉不免慚蚯蚓。竹寔應堪比鳳雛。况與汝同斯。

土鄉隣之義空乏應需

俺不免入告細君免其憶念我想仲子有如此之
遭逢可知天生庶士不偶然也

二煞報與他美且都這夫君可偶無天生庶士超今
古蛾眉旣使予心醉糟食還將我口餬這都是天張
主野人之味隱士家蔬

煞尾靜玩楚天霞間成山澤癯看瀟湘雲夢還吞吐
想着我清操只一片首陽山石可語

第五齣 則將樓之手

遠地游生衣巾上浪游曲徑踪跡真無定爲功名四

東郭記

方馳騁資斧蕭然窮途清冷嘆英雄時兮未乘

四海無家只浪游飄零却似水東流男兒苦沒資
生策長嘯塵中何處求齊人散群以進望貴而投
命之未亨其人不遇思量俺資斧既乏卽次未定
只索覓一人家暫爲逆旅庶可以營求富貴守我
些須趁步行來又是這般幽徑也

金井水紅花四海尋姬媵三齊誰舅甥聽伐木响丁
丁鳥嚶鳴友聲相應怎似俺孤身逆旅未得叶秦盟
嘆吾儕枉一生也囉朱唇玉貌弱骨豐肌蕙質蘭心
知何日雙雙照鏡想那巫臣竊夏揔是齊人此行便

那宋郎艷孔。何異齊人此情。從來遊俠偏有紅粧興。

暫下

遶地遊。旦素粧上。齊姜本姓。采采參差荇。歎時光柳。
殘花剩一種。柔腸數年愁病。怪容顏春來瘦生。

愁來頻促兩眉尖。揔爲春風相滯淹。幼女未知心。
下事朝朝強我看銀蟾。奴家如妹孤寡。婚姻未定。
此還從無人跡。只索強行幾步。以消悶懷。俺妹子
年兒弱小。兀自獨守閨中也。

金井水紅花。吉士人何在。齊姬心早縈。聽芳樹語蒼。
庚愧吾生關關不應甚。日得良人雄俊。相與叶鸞笙。

枉教人淚偷零也囉。親親未遇。妹妹嬌癡。姐姐情深。因此上獨來幽徑。想那夷光困守。何異咱每此情。想那陶朱閒訪。未必他每此行。從來淑女。偏苦紅顏命。生上見介。慢道齊東野真。成越苧蘿小娘子拜揖。旦客官萬福。生背介我齊人今日遇仙也。

玉胞肚。齊人煞幸。陡相逢西家美英。乍驚他環佩珊珊。還看他羅襪盈盈。趨前便欲問卿卿。可是瑤臺舊有名。

旦皆介。是何方俊雅。偶然一盼。便爾躊躇。天下有此多情之士。

前腔郎君可敬。負昂藏丰姿。性成。覩着他顧盼徐徐。
還兼他襟帶青青。狂童狂也太多情。有女懷春。我未
曾。

生向前介。小娘子何方居住。豈非齊之姜乎。旦妾
身姐妹二人。先君姜氏之裔。生果然名族。小生何

幸得逢我卿。敢問小姐已許人否。旦妾已十八。尚

未字人。生卿既無家。我亦未室。倘小姐不棄。願言

偕老。意下何如。旦君寔英雄。妾非淑女。幸締姻好。

寔媿我心。生何言之謙也。小生明日便當央媒納

采。幸勿鄙我。或有後言。旦君子俺家便在此徑中。

不越數步是也。願母遐棄之耳。**生**小生怎敢。

前腔聆音細省。俏喉嚨聲聲可聽。看烟光纖柳成絲。又東風剪草齊榮。桃花回首不勝驚。那得逢仙忘世情。

前腔**旦**相逢一項。早教人心懷暗傾。折腰句。非詩人。不辨。動離愁是落花風。送春歸有子規聲。標梅豈敢負深盟。君若歸妻須

追冰。

夕陽遙西。就此告別。**生**敬當遣聘。願俟佳期。

尾聲一時便把紅鸞訂。**旦**愧沒瓊瑤爾贈。**合**他日還當枕上盟。

是折眼目
絕冷絕妙
正見此曲
總屬齊諧
解人真作
莊語可也

旦幸妾姻緣却還未、生何殊范蠡來諸暨、合此身

既已許君家、便復同行不相諱、別下

第六齣 齊東野人之語

西地錦扮公行子東郭氏尹士各深衣幅巾上稷下
素誇佳勝齊東况聚名卿清談妙論堪人聽看喙長
三尺偏稱

田駢慎到舌鋒長長在齊東關講堂自是竊將餘
論好共揮玉麈任荒唐公不佞臨淄公行子是也
東不佞東郭氏是也尹小生尹士是也公俺與東
郭先生讀禮多聞清談少憇俺這齊東稷下向來

是田駢慎到、惠施、公孫龍一班兒群聚高談喜的
這尹先生正乃及門高足、今日約同開講、看有甚
人來聽也。
淳于髡上

番卜筮口舌已天成、緒論還竊聽。
王驪上試來莊獄
拜先生學取些兒俵

撞遇介呀、却是淳于兄。
淳于敖、俺與大哥三人別
後、不想又會於此。
王小弟聞得此中士大夫講學
特來一聽。
淳俺亦爲此而來、如此一同進見便了。

進見介公二君何來。
淳小生淳于髡、這是契弟王
于敖、久慕諸公高論、敬此竊聽餘談。
東野人鄙論、

竊嫌大方既荷屏隔敢藏醜拙尹先生倦每就此
坐下閒談何如淳三公請登高座小生輩侍立以
聽

惜奴嬌公東稷下儒生早詞鋒無兩堪資談柄慚余
輩未獲門牆躬請私幸高足非凡講席齊推玄風嗣
聽不佞也士大夫每不聞邪肯講學只爲暫優閒聊戲與齊諧一訂

前腔尹閑評黃馬堪賡雞胥三足輪非蹊徑毛生那
飛鳥何嘗動影想應雄辨高談惠子公孫多方廝競
休病不讀却五車書那能勾辨才無聲

公東諸君古來還有多少異事也

聞寶蟾雖明古跡堪徵。那堯囚舜。偈何須深病更來。
朝替。暇感然不定。宜聖一言。正大經千秋。感不寧更。
堪。衡似這魯國名儒。又主却癰疽。嬖幸。

尹老先生豈但此老而已。

前腔阿衡負組。調羹與羊皮牛口。秦臣輝映甚鼓刀。
誇。呂披裘說。寧還訂人情。似犬情。周聲遜。夏聲莫紛。
爭。似着過泥詩書。索向齊東。釐正。

薄王。劣。聽佳談。頃開茅塞。二生今日真幸會也。

錦衣香。謬悠語。談天逞滑稽舌。懸河挺甚。倏忽分王。
觸蠻爭境。南箕北斗。揔堪憑。公行開社。東郭持盟。何。

處士尹先生齒牙餘勁。王子開茅徑。淳郎鞭影。真堪

西席。何妨北溟。

漿水令合。覷臨溜。直。犬鷄爭應。儘莊嶽蛙蚓齊鳴。嘈嘈

橫議耳偏盈。楊朱墨翟。慎到田駢。借唾沫。邀餘剩。就

中暗把吾徒醒。談和論。不妨偏逞名。和利名。

利要得旁行。

尾聲與君一話真。成幸。抵多少九條新郢。這的是齊

東野語索分明。

淳王別介承教了。公東好說。汚耳汚耳。淳先生妙

論真不川。公衆還嫌諸君義未安。王自此愈知游

東郭記

世術合割烹五殺復何難共下

第七齣 媒妁之言

舞懶巧押
木調情味
悠然

字字雙淨扮媒婆上媒婆却把兩緣擔重擔世間惟
我巧言談善探箇中事體人未諧黑暗却教幼女早
逢得硬嵌

自家齊東一个有名的媒婆便是昨日遇一官人
央我爲媒說有一女在此徑中不免逗則个裡面
有人麼

意遲遲旦上隱昨郎君相過探早是增傷感愁緒復
何堪聞中小妹還譏俺小旦上笑婦娥空把悶愁耽

那兒郎恐怕心情泛

〔旦〕何人到此、媒人見介二位小姐、是媒婆到此、前日有一官人、逢大小姐於此徑中、說道親口許他、特地央俺作伐、〔旦背介〕那人真信人也、

集賢賓記前宵出門閑自覽、陡逢伊好是懷慚。那風流浪子將咱探、語悠悠好不情酣。我傷心慘淡、竟自許問咱。〔朱檻合〕紅顏減、只爲此粉慵花懶。

前腔〔媒〕那郎君爲伊深戴感、央咱特地相探。他翩翩濁世風標湛、是豪雄好駕鸞驂。你盈盈齒蓓正合配、那青青橄欖令前

前腔小旦

婚

姻簿中應細覽

俺姐姐只解清談陪不

得尋常俗物胡謠濫使不着暮四朝三卿須少跼詳

說着蕭郎風範合前

媒並不須疑俺說將來大小姐自然理會得

琥珀猶兒墜軒昂眉宇端的是奇男一種多情兩眼
含不脩邊幅會高談真堪好打疊鴛衾剪下春衫

前腔旦聽伊摹擬半喜半羞慚好弄簫聲子晉巖憑

將青鳥寄鸞緘心耽更莫笑齊東待接周南

前腔小旦勞卿傳語禮度索深諧戎服憑教似子南

私親應得數刑譴情含這後絕前模要得相參

媒如此別了。明朝乃是黃道吉日。那官人就入贅。

也娶夫如之何。匪媒終不得。下旦妹子。我和你一。

胞姐妹。那忍先有室家。今日雖爾應承。不免爲卿。

快快。小旦姐姐說那里話。你妹子年小。正可從容。

皂鶯兒。旦爲爾復愁。含一胞兒。我獨耽你春深。不免。

還懷慘空房。那堪我雙棲自慚。問嬌花果否甘清。淡。

小旦念奴穉齒婚姻未諧。論奴心緒孤幃。自甘賢姐。

姐。何必將咱探合。慢私談。秦公五女。曾並晉侯驂。

旦有姐青年先許姻。小旦小姨應是未成人。旦勸。

卿不必深相諱。小旦他日時來自惜春。

繡駒熟練
想頭便好
而鑄語都
巧

身朝前

第八齣 繡駒

扮繡駒時樣衣服琵琶簫管上卸中歌白雪下里
笑巴人高唐有繡老一曲賽陽春自家非別齊國
中有名會唱的繡駒是也俺開口成腔轉喉合拍
不論風流子弟窈窕佳人或爲倚門賣笑之資或
作偏國吹篳之計都來俺處傳授嘴皮兒可也叫
破唾津兒可也嚙乾幾番要成了這事三日不唱
便覺喉喉癢了呀遠遠兩個小娘兒來也扮二妓
上米歌先會舞有色却無聲自家齊東有名妓者
大花風小花風是也我每姊妹家第一會唱纔鉤

引得人心動、俺索去綿老官人家、學一二套兒、來此已是、**見介**呀、綿老官人萬福了、**綿**二位大姐、是要學唱麼、**妓**然也、**綿**少停一會、待人齊了、一并教你、**王驪**上待試穿簪術、先傳乞丐歌、自家王驪、別了齊人之後、稷下聽講一回、頗悟涉世之術、待把穿簪一試、匆匆未果、今者來到這高唐地面、聞得有綿駒善歌、雅俗共賞、思量俺一身空乏、前進無資、須索學些歌兒、沿門乞食、却也便當、來此已是他門、不免竟入、**綿**客官何來、**王**小子從臨淄來、聞得綿老官人善唱、敢求指教一二、**綿**却要唱甚的、

王只上好新曲兒指教數套便了。綿這容易待我先與二位大姐唱來。你二人先學兩個打棗竿去。

綿撥琵琶教妓唱介

掛枝兒小娘兒却待要從良罷。恨悠悠待撇下這琵琶。幾番兒舊事難撇下。那大娘兒不當要俺門戶裏。儘風華老定的不從良。再莫粧這般假。

前腔小娘兒大半喉嚨啞。唱將來有幾箇到得家邊。梁音會的添聲價。當筵真愛殺到處盡偷他。但得箇俏聲兒打也隨你打。

只將這兩調唱會了。明日又教你這位要唱新曲。

兒隨我唱一套寄生草罷。但得合簫唱來更好。二

位大如可會吹寄生草。妓這倒却纔學會的。細如

此却湊巧。我唱你每吹便了。綿王唱妓吹介

北寄生草。第一笑書生輩。那行藏難掛牙賤王良慣。

勢。在。俱。流。夫。子。話。

出奚奴。勝惡蒙逢會。反師門下。老馮生喜就趨迎駕。

不由其道一穿踰。非吾徒也。真堪罵。

二第二笑官人輩。但爲官只顧家。牛羊兒芻牧誰曾。

話。老羸每溝壑。由他罷城野間尸骨。何須詫知其罪。

者。復何人。今之民賊。真堪罵。

三第三笑朝臣輩。又何曾一箇佳。諫垣每數月開談。

怕相臣每禮幣空酬答諸曹每供御慚無暇不才早已棄君王立朝可恥真堪罵

四第四笑鄉閭輩更誰將古道誇盼東牆處子樓來嫁儘鄰家鷄鶩偷將臘便親兄股臂拳堪壓豺狼禽獸却相當出今之俗真堪罵

緇客官近來齊國的風俗一發不好做官的便是聖人有錢的便是賢者這是俺稷下諸儒田駢慎到所度新曲專一笑罵此輩你可記熟了唱去王領教了只怕學生後來早被他笑着了妓好嘴臉你難道會做官不成王你識得甚做官的正是我

出語自然
更妙在帶
聯處

輩。綿客官果是个中人。只日後富貴時莫忘却唱
曲的日子。王新音一曲間琵琶喜得嬌娘幫襯佳
綿衆爲問青雲貴公子此中聲調莫須差共下

第九齣 則得妻

謁金門 旦紅衫艷妝小旦素妝隨上梳洗罷粧束十
分瀟灑。報道兒郎來綉榻。芳心還復怕。小旦尚有小
姨未嫁。權作小姑陪話。令這段姻緣真可詫。一言親
許下。

相見介 更漏子 旦試新粧。凝翠黛。好个朱顏今壞。
小旦嗟寂寞。盼歡娛。看看却有夫。旦眉自鎖。羞難

縣。今夜如何。則可。小旦姐和妹。恨孤單。今朝獨我。
寒。且妹妹。昨日媒婆說那人來贅。俺則索花燭雙。
燒。艷粧以待。媒送禮物上。報道新郎到。須將簫鼓。
迎。大。小姐。那人來也。這是隨身來的贅物。便可收。
下了。小旦收介。就勞你贅拜便了。

女冠子。生時式巾衫上。衣冠俊雅。爲姻親青藜拋下。
相逢一話。便央媒氏。爲予傳語。那人肯嫁。到介。媒請。
新人並立。贅婿成雙。旦並立介。含羞。非是假見夫婿。
真來如何。對答。合立雙雙燭下。齊右嬌姝。山東豪俠。
丙鼓吹媒贅拜介。與小旦拜介。旦送酒介。

錦堂月喜就兼葭。歡調絲竹。齊姜幸配豪華。耀我門楣。笑把文鸞雙跨。成就了夫人便想作家了百世良緣。早肯箇一朝撐達。令傳盃斚。看春日遲遲。慢銷銀蠟。

前腔生送酒介。堪誇俺四海無家。一身逆旅。逢伊憐取。天涯姐妹雙雙。粉面雲鬟。相亞覷。姐姐嫩蕊可親。望妹妹嬌枝如畫。合前

前腔小旦無他爲姐姐。韶華姐夫禮意周旋。錦席朱紗相見。何妨知是嫡親姻婭。覷了他兩意綢繆。好教我一身羞恰。合前

前腔媒如花二女嬌娃。一人俊傑。眉來眼去歡洽。一

捻姨娘到底投他門下。大姨夫終作兒夫。舊女婿還
爲新姬合前

醉翁子生嬌姹。觀姐妹每龐兒沒價與令如相授小

便賊

姨終嫁。且低介羅帕。今晚交加一點新紅綴玉紗。合
同游耍。願琴瑟調和。美璋及瓦。

前腔 小旦 一搭做阿姨的如何說話。便年記無多終

湏長大。媒休怕久在伊家托熟伴。羞自呼他合前

僥僥令生旦 和風纔啓甲。嫩蕊正含葩。紀取此夜恩

情如天大。更漏再三過。新孔嘉。

前腔 小旦 媒嬌鶯啼欲罵。雛鳳笑微譁。只恐他日芳

時也十八不免及時花將破瓜

尾聲生齊人喜得齊姬嫁中饋裏得人查察從此方
堪做室家

自憐出世獨鍾情媒偶尔姻緣巧訂盟旦相逢慢

道初相識小旦昨日門前遇此生共下

第十齣日撮其憐之鷄者

晉賢歌王驩賊態衣巾上謳歌講學煞匆忙悟得穿
齋我輩當帶巾不碍方逢人面不惶咲我這賊衣冠
偏用閑

俺子敦自襁下講學之後省得求名覓利湏要不

東郭記

鷄、伊尹聖人、尚且割烹媚主、我獨箇甚廉恥乎、近來把高唐歌兒念熟了、沿街賣唱、却也取利不多、只得改做穿窬之賊、爬牆空壁、頗是獲利、所恨道城中雞犬頗繁、夜來大是不便、前日綿老官唱箇隣家雞鷄偷將臘、我今便試一試、把這鄰鄰舍舍雞兒、每日偷他一隻、一來免他夜啼、二來充我饑瘦、且是受用、昨夜爬牆辛苦了、今日起來、早是午飯時候、肚兒有些餓了、不免再撈他隻雞兒煮煮、行介這家養了十餘隻嫩雞兒、也被我五六日間偷了一半、今日看手段也、陳鶴介耶人趕上介、

前腔何來狗賊太無良隻隻鷄兒葬腹腸今朝見了
賊原來是老王笑殺你號冠裳忒不像

王罷了被你識破了還了你罷只是你這鄰舍家
便請我隻鷄兒也不爲多鄰老先生還說這話這
般沒行止勾當不是你這樣人做的王不是我
待那個做他鄰咳老大人這非君子之道也

玉山頰藥言陳上論攘鷄豈我輩行藏聽鄰家詬罵
何安問清夜捫心堪愴况伊家模樣又博帶幾冠厮
像太覺風斯降請回腸幸把餘鷄惠赦報秋憲

王笑介老兄我如今改過了罷每常日取一隻以

身言

後月取一隻便了

前腔不須相謗論。攘鷄比竊。國田常抵緣。咱盜小無。

狼語名言

名還則是。脏多受賞。俺權依卿講。但一月一鷄充臟。

獎字法

又雅

可也。庶堪獎慢。寬商把這餘鷄。壁上任鳴桑。

鄰這等多謝了。小用則割鷄。小盜則攘鷄。攘鷄何

足論冠裳盜不齊。

第十一齣 續穴諒

夜游宮旦上。嫁得夫君豪壯。會溫存更復情長。所恨

情兒太廣。偷盼姨娘。粧臺邊枕簾上。繡簾旁。

偶爾相看便有家。夫君自是會豪奢。但嫌有意覩

風兒浪子
故態以齊
人怨之
送詞極
自然伯仲
西廂并月

嬌妹、可道男兒情易邪、奴家自許良人、匆匆好合、
願稱得意、果是知心、看他雖則孤貧、要自終能富、
貴、自春間成親來、早是初夏天氣、所恨他情兒太
廣、頗有竊吾妹妹之心、俺思量起來、昔日原與妹
妹相期、共嫁一人、若果妹妹心允、便索成就他罷、
如今且冷眼看他兩下、又作區處、正是郎君多薄、
行房幃有二心、下生上
月兒高、忽來天上、幸得嫦娥傍、含羞上床、妖艷應無
兩、有箇姨娘知趣、長陪講、嬌模樣、令人懷想、喜吾妻
不甚防、

新婚晏爾趣偏饒、有个人兒還更嬌、朝夕令予長
盼盼、何時愛我復相招、小生自贅他家以來、又早
春盡夏初矣、撞着這寺標致的妻兒、怎不愛惜、又
添一位俊俏的阿姨、更自傍徨、喫一看二、可知令
人心痒、所喜俺尊夫人賢慧、不甚提防、我因此得
朝夕窺覷、雜之戲謔、得此一姨、方成二美、他如今
半親半疎、或近或遠、真美得人苦也、新夏初炎、聞
得他時常洗浴、不免藕一窺之方、見他內體的妙
處、爲愛、鸞鳳好幾成禽獸行、白馬得好暫下小旦紗衣上
前腔、春寒已往、新夏神情爽、心兒暗傷、不奈這風清

朗怪那兒郎冷處來挑講他情兒廣令人悵快我時
時淚幾行

知趣郎君真不凡爲卿淚點透羅衫妾心豈不懷
君子爭奈姻緣兩有妨自姐夫來俺家後日日眼
角相挑微詞半引我看他個儻風神昂藏氣骨善
爲談笑巧于滑稽當是不羈之士知非長困之人

具眼

俺姐姐也看得着也想當初許聘之時原有共俺
同嫁之意如今看他朝夕光景真是難爲發付目
下春去夏來好生傷感人也

懶畫眉想着他朝朝綉戶把人張眼去眉來直恁忙

恨當初不共效鸞鳳。到而今可是難依傍。只落得一水銀河隔兩廂。

前腔見了俺親親姐姐。日濃粧靜夜相偎共。玉床有時携手出蘭房。不禁冷眼生。嬖儻妹自孤單。姐自雙。

今日天氣覺煖。不免蘭湯一浴。俺生怕他又來張。

也。湏索把門縫兒都遮了。素手下朱簾。香肌浴蘭。

水。暫下生作緩步上。

不是路爲覓紅芳。俏俏輕輕過畫堂。斜凝望。那多嬌。

可是試蘭湯。張介呀。在裏面洗浴哩。解羅裳。金蓮倚。

處香飄蕩。玉體窺時室渺茫。尋方向。那門邊隱隱些。

兒亮。鑽他明朗。鑽介鑽他明朗。

張介呀。却早張得見了。好有趣也。

前腔。仔細偷張。膚若凝脂。乳正芳。尖酸翻銀浪。纖纖束素。
細腰香。俊嬌娘。如何不教人兒想。爲甚偏將那好處。
藏無由。向他春羅半幅中。間放沒些疎曠。沒些疎曠。
呀。如何不再洗一會。又起來了。呀。他敢待出來也。

小旦披衣上

前腔。浴罷新涼。笑向粧臺試晚粧。誰來往。敢娘行環。
佩我速趨跽。見生介呀。是伊郎。教人含笑歸羅幌。何
事藏踪向綺窻。生揖介姨娘告揖了。小旦回介。他深

身事言
深唱鞠躬而揖多謙讓。意兒堪諒。意兒堪諒。

〔生〕姨娘。小生來久賦了。姨娘敢是洗浴哩。

前腔。小旦背介。不住姨娘。語語聲聲。意態狂。還疎放。
道多時。久立在迴廊。對生低介。對伊行。傳聞我阿姐。
應相謗。只道俺爲姨。沒主張。湏深想。奴非怨女。君非
曠。慢勞相訪。慢勞相訪。

〔生〕姨娘。不說罷了。姨娘如此說。小生也有一言。姨
娘呵。你怎知俺做姐夫的肝腸斷也。

園林好。細說向聰明女郎。俺爲伊一身多恙。日相望。
怎心兒不想。况值着這清晝永。綠陰香。黃鳥叫。紫薇

芳。

嘉慶子小旦告郎君休把人錯快。未知俺姐姐心腸。
也。頂問如何情況。雖則親女弟。不須量也。要賢令政。
兩相商。

伊令生聽了你一朝細講。可正是聰明沒兩。則道你。
將人輕相。誰知你情兒醞釀。若沒你姐姐頻來。便待。
將卿抱上床。

品令小旦笑伊狂婿。直恁的意兒忙。便就是佳期報。
可也。索要禮相將。昔日承筐毫無爽。問名納采。俺姐。
姐纔歸綉帳。難道我不如他。又者得妙草草私談。便嫁郎。

豈葉黃生我躬身訴向。說與你好娉娘。覷着你螭首。蛾眉。覷着你螭首。蛾眉。兀的不心迷意恍。花期已往。薰風正涼。早成就百年中情好。早成就百年中情好。休孤負紅顏。趁此青春未央。

玉交枝小旦期君心諒。論婚姻終湏酌詳。雖然姐妹。無他講。怕人情久有參商。况奴弱質。未堪霜望。君慢俟。花將放。且受用。俺姐姐象床。且放鬆。俺娉娘綉窓。

且潛上窺介

么令生雖則卿卿不爽。我這里心兒怎降。便就是你。姐姐旦艷粧。便就是你。姐姐旦艷粧。齊國之姜。可知你是。

弱柳柔楊乳鳳雛。鳳一縷。紛花香親。媚姪人良意長。
江兒水。小旦蓮葉看池長。薔薇滿院香。雙雙野鴨銀
塘漾。盈盈紫燕泥梁唱。翩翩粉蝶園亭撞。早是令人
惆悵。又可奈這浪子言長。不免留他心上。
多情女子

旦下生揖小旦介

川撥棹。非吾浪把親親只索強。但得你衣袂兒輕湯。
但得你衣袂兒輕湯。不由俺心情欲狂。是何時解綉
裳。是何時捧俊龐。

尾聲。馬小旦兒家何事心粗莽。笑你箇齊人太妄。可正
是。化傷風輕薄郎。
定須指出本相。

〔生〕抱小旦介。姨娘，成就了罷。〔小旦〕推生介。啐，怎這
莽忙麼？推出窓前，月應爲夢裏雲。〔下生〕我看小姨，
十分心肯，只怕姐喫醋耳。我想俺那妻兒賢慧，定
是相成，不免去求他罷。纏腳不免一身汗，何日雙
雙共跨鸞？令姐應知是賢達，豈知人世十分酸。

第十二齣

以利言也

〔霜〕天曉角。扮田戴冠帶丑外扮從人隨上。〔齊〕中衣錦，
全爲宗支蔭。吾家仲子老山林，落得一人富甚。

〔齊〕邦今日已爲田，喜得宗支一派連。清廉介第於
陵去，不義家兄蓋祿。纏下官田戴齊之宗支也。以

天潢之巧合。更八謀之克藏。官拜蓋大夫之職。母弟仲子。迂僻爲心。矯牙自好。私其妻子。逃于於陵。近聞他飲食不充。聞見自廢。因之匍匐井上。邀惠。蟪蛄。咳腐儒。酸子。何自苦如此乎。這也不在話下。惟位居上僚。職司取士。齊國之賢仰如山斗者。久矣。但俺原以財致貴。故人必以賄取憐。如此者是吾門生。不然者亦吾家弟耳。左右看有人請謁。即便通報。丑外應介。王驪衣巾包袱上。

前腔。盜泉慣飲。積得囊中稔。齊人似我實堪欽。早向朱門求廩。

俺王驪別了齊人兄輩。既作乞人。還爲盜賊。囊中積有百金矣。聞得田大夫好財。愛得竟此自猷他家。求爲小小官兒。倘因此起家。從斯發跡。那時纔見俺子敖是能人也。見丑外介大哥通報。道臨淄王驪拜見。丑外稟介田快請王入拜介。王驪本國之人。有志之士。聞大夫廣羅才俊。故小子敬入微貲。聊備百兩之金。用充一茶之費。願策名于門下。或效賤于官班。是望高賢。敢陳先達。田看你言詞。小好其服文宗出世意氣超人。數倍不華。十分學識。可嘉可敬。不佞卽當上存我君。並升公室。願通家之好。如同氣。

之親相助羅財。母私取士。**王**敢不勉遵台命。用敘愚忱。若或負恩。須教惡死。

皂羅袍。田蒲眼。齊人識甚。你擔囊揭篋。寔獲予心。他

孤窮反欲我捐金。你賢豪更復來添錦。當今才士惟

君可欽。當今先達。惟僕可尋。兩相知好。共把這機謀

任。

前腔。王喜得。吾師細審果。憐財愛得賄賂。知音我感

恩。應復效愚忱。若忘師便可酬函識。俺門生發跡。你

盃中蒲斟。若先生剩物。俺頭邊畧簪。望師翁早賜我三

分底。

田願子如此，我不敢忘，明日就你同升矣。王這多謝老恩師。

尾聲田銓衡久秉少同心，賢契呵人間似子聰明甚。
不但習茶了！且和俺後堂中把杯酒飲。

也知才學獨君高，王可識吾徒是俊豪。田道德文章且休矣，王銓衡夫子在錐刀。共挽手下。

第十三齣 一妾

掛真兒旦上俺的郎君情太厚，把小婢絮得相投。
生上內子賢哉，丈夫狂也，近日裏情憐否。

相見介南鄉子旦新荷四月天，小院清清籠翠烟。

是兩至
是着情
龍歸

郎君偏爾能知。起身邊。往往來來倚妾肩。生未敢
爲卿言。有个人兒我亦憐。算來不是分情者。嫣然
渠與卿。卿久共。眠。姐姐俺承你十分寵愛。同衾共
枕。好是歡娛。但小生還有一樁心事。久欲見憐。不
知肯否。旦笑介此身已許君矣。有甚的不肯來。生
如此小生稟上。願母深罪。我的娘。我爲你的阿妹
害也。

三換頭。向桃臺妄求。爲伊家閨秀。自知非偶。奈心情
已投。這一樁婚媾。與卿卿可正是連枝並頭。兩下情
都有。三人成好逑。他年少含羞。况妹妹招夫敢自由。

東郭詞

賢哉內子何物齊郎

前腔旦何須訴休知君已久我容顏愧醜應把姨娘
解愁他閨中之幼望卿卿湏念着身裁嫩柔可是三
生就應他兩意投早與綢繆不索郎君暗裏偷

郎君俺就教妹子梳粧易服與恁今日成親你意
下何如生既蒙賢妻許俺便遲數日何妨旦你心
中不得眼前怎說此話待我進去與他梳粧易
服便了願爲皇與英同心事君子下生天下有如
此賢慧妻子乎我齊人真造化也望介如妹每可
快些麼旦小旦粧同上

滿江紅小旦我有姐姐全不妙爲咱成就許妹妹同

歸君子共操箕帚。生今日齊人福果大。紅粧兩兩扶衣袖。旦合一雙白璧付郎君。君知否。

內鼓吹旦贊拜介拜了。姐姐再拜謝主婚并拜謝媒人。生笑介。總是一拜罷。新郎喫不得辛苦。旦既如此。免你罷。請進合巹之酒。生今夕何夕。見此粲者。

賀新郎。偶爾閒遊。遇鄉鄰一時成偶。又逢他綠衣嬌

秀相挑逗。還着你賢姐爲媒。鵲引鳩看。今夕三星恰

精神聲口。

湊解羅帶鬆衣釦。笑問我誰情厚。合兩姐妹同消受。

前腔。旦覩爾風流。道尊姨一家骨肉。逞風情暗中相

誘伊年幼也似俺姐姐當初不自由今日箇同牀共宿無嫌忌相前後笑飲盃中酒合前

前腔小旦相好無尤在閨中雙雙聚首怕于歸不能

相守今依舊待學箇肅肅宵征抱爾禍也只爲那風

魔顏厚恃伊善欺儂日日窗前走合前

節節高生相將夏日游咏韓攸祁祁美姊如雲奏家

貲有內閫脩專房又看茂萱翠睂眉山秀更榴花紅

妒羅裙鬪俺何緣却與粉香謀拚將老向溫柔宿

前腔二旦相親復自羞爲情柔小星江汜重歌奏須

心厚要恩稠還意守莫于姐妹分新舊莫因容易成

虛謬俺一家爲甚兩相投你心見索要思量透

尾聲生惟薄從教謗不脩偏會解說這姊妹須知古有抵多少

大小夫人醉畫樓

子兮子兮如之何旦見此繁者爲情多小旦而今

不用相違避生也是愚夫小老婆

第十四齣 先名實者

番卜筭淳于冠帶僕從上稷下士名髭寸舌能爲隱

一言半語合齊君富貴須臾瞬

獨我生來巧舌尖君王有意會微規一言却教龍

顏喜此種機關大是鉅俺淳于髡生成滑稽絕世

冠是同年
蕭雅

自別了齊人大兄、去聽諸生開講、倍覺長我談諧、
助子游戲、昨者來此都下、聞得箇君王喜隱好爲
淫樂、沉而不治、百官荒亂、諸侯並侵、國且危亡、在
於旦暮、左右莫敢諫之、俺思量起來、俺不過稷下
贅壻耳、何畏於死、況俺之舌頭、原自辯捷、又何畏
不行乎、前日竟入見君王、說之以隱語曰、國中有
大鳥、止王之庭、三年不飛、又不鳴、此鳥何也、于時
君王省悟了、便答曰、此鳥不飛則已、一飛冲天、不
鳴則已、一鳴驚人、乃召諸縣令長七十二人、誅一
人、賞一人、奮兵而出、諸侯震驚、皆還侵地、君王大

悅歸功於髡。拜俺主客之職。一霎時早富貴也。

九迴腸也。則是君王喜隱。一言兒便愛臣髡。談言微
中人情順。虧這三寸舌口內猶存。雖然七尺長不滿。
爲問三齊誰可倫。俺淳于真是千人俊。兩三言解却
人紛。却教俺齊中大鳥。冲天舉嚇得那泗上諸侯掩
耳聞。這齊東郡能勢利趨炎熱。看朱履客早晚好盈
門。

生查子。王驩冠帶僕同上。窮命喜逢春。好友齊交運。
叔刺特相親。結綬堪同奮。

俺王驩受知田大夫。已拜官爵。近聞得淳于遇主。

陸致亞卿原是俺貧賤時舊友既已同升合應交結
特此進賀左右通報衆稟淳接見介問于敦高選
未及趨賀何當辱顧王好說弟兄每今日同升小
弟十分私慶凡百長兄滿目淳自當彼此同之只
齊人大哥尚無消息不知羈縻那里王此兄自會
逢時不消得長兄過念淳于兄你道如今做官須
是何等方好淳子敦何消問得只像兄這等面孔
便儘意做得去了王係小弟愚見第一要銀子多
的便爲美缺

黃鶯兒淳喜共步青雲宦途中大不羣只花班面孔

堪相譚官精是君官行莫偷好教行老官兒運慢榮
神弟兄遭際尚有老兄貧

前腔王幸得列朝紳舊知交豈別人雙雙幫襯能升
進休題士民須爲子孫從教老却賺官鬢慢閒論從
來好缺羨的是多銀

自幸官星好君王爲寵愛淳還思貧賤交何時作
寮案

第十五齣

其良人出

生破衣持棒作乞態上吾儕原是真英傑得此嬌
花共歡悅姐妹雙雙不相妒夜來含笑吹燈滅俺

齊人半年之中，得他姐妹，紅衫兩整，秀眼雙拋。姐
姐賢而雅，妹妹慧且嬌。俺可是受用也。但俺與王
驩每兄弟相別，原爲求彼利達，不空戀此好姻。今
日暫且出門行遊，以觀世態。棄頭上之巾，執手中
之棒，又是當初打扮也。

二犯江兒木

好游宦的樣

英才游宦，俺是箇英才游宦。止爲着些

箇趕喜幽居深巷，弱蕙芳蘭。識英雄丟嬌眼，姐姐秀
堪餐。姨兒更弱屏，爲佩珊珊。鳳履綳綳，這歡娛士夫
每還則罕。孤身有鯁，熬殺俺孤身有鯁，相偎彼絮喜
的箇相偎彼絮。出門游爲功名兩字間。

早來到大街上也。則索向朱扉以投。望回閣而進。
昔箇醉飽。充我肺腸。你看街市上酒肉好香人也。
前腔。朱門玉饌。待乞那朱門玉饌。又何須言拙。想
驢鴈鴈。兔首熊蹯。滿華筵都奇產。俺乞食效昭關。
男兒自厚顏。青竹關。班破袖翩翩。這形容在吾徒應。
不罕。橫襟縱看。請諸兄橫襟縱看。一街討飯。滿目中。
一街討飯。笑衣冠。那人兒應自汗。

那一箇與俺些酒肉兒麼呀。那人家正請客哩。執
棒舞疾走介。

北對玉環帶清江引。此際雲鬟。閨中正自閑。媿我孤

寒人前笑有攀。一眼望銅環。庭中想已闌。不用門關。
無多求爾餐。況復餘殘。何須復吝。晉家公子。方蒙。
難險阻。誰清盼。多將柳塊來。那復堪壁反。想那餽盤。
餐倍大夫。千古罕舞下。

第十六齣

他日歸

杏花天。陳仲子傘袂上。脩是箇齊國之廉。對夷齊應。
知沒玷。只家兄見我。憎嫌。論家慈。願是夢咱清檢。

一別慈親已數年。教人陟屺一潸然。爲斯復走齊。
東路回首閨中。獨自妍。小生幸藉蠅餘。得全微命。
思量高堂老母。時時不忘想。夷齊就養文王。猶然。

此題時義
恐無此點

暫離北海。況仲子歸寧。母氏何妨再入東齊。前日別了。辟纁之妻。早過了許多山水也。

山坡羊。想生平清名雖占。爲慈親終朝言念。別於陵暫赴臨淄。道途中並不宿三家店。養清恬。步步有人瞻。鞠躬趑趄。踖踖還如歉。回首荆蠻。吾家嬌豔。纖纖爲我遙征。悶緒添。懨懨爲憶行人淚雨淹。

行路倦了。不免暫息片時。扮二盜上。盜跖親支派。莊躋嫡友朋。俺弟兄兩箇剪經爲業。數日生意。不濟纔方尾着一書生。背着包袱。就中量有物在內。不免刼了他去。呀。可可還在此間。漢子。留下行李。

〔陳〕大王小生是陳仲子別沒甚東西奉敬盜我那
管你仲子不仲子快將行李來〔陳〕俺仲子真窮命
也

〔前腔〕怯書生窮形堪驗那些兒隨身書劍呈祇介大
王請看一些些麻縷粗鞋破茸茸舊布單衾欠犯台
嚴休將獐行兼那莊躑躅遺臭遺臭千人厭何似儒酸
甘心寒儉盜腐儒莫多說〔陳〕休嫌敢學尼山縮虎髯
盜再說就一万殺了〔陳〕還謙敢把窮肝膾斧尖

〔盜〕活活腐儒饒你去罷罷殺兩強盜爲遇一儒酸
下〔陳〕不幸又遇此二位擔閣了半日天色已晚趙

行幾步。暴客陡相值。夕陽忽已晚。何日進臨淄。目

暮途還遠。下

與之借而不自失焉

第十七齣

馮練子生執杖乞態上郊以外暫游之。龍蛇之蟄未
遭時慢。自道男兒終若此。

丈夫之未際。不免顛餓殍。執杖問何之。踪跡故猶
矯。塵埃不知我。應役爲子貌。縱步天壤間。吾志原
不小。齊人乞食市中。杖藜郊外。皮相者謂我乞人。
肉眼者笑予無賴。惟有室人不知。終日雙雙款拜。
因此愈益風騷。自覺神情豪邁。今日只索郊外走。

一回也。

步步嬌俺是箇未際英雄天之使。弄得窮如此。飄零寄一枝。天作之合。新婚晏爾。想他姐妹兩西施。俺齊人只索爲情灰。

呀。遠望着。一廂儲來也。陳仲子上。

前腔久矣於陵相棲止。爲甚閒來此。爲看陟屺詩。我意傷悲。劬勞母氏。雖然避地遠臨淄。又道的箇我母還思子。

見生介。老丈告揖了。生笑介。何處豎儒。向乃翁作揖乎。陳老丈聽稟。

孝順歌。吾翁丈。聽鄙詞。俺卜居楚荆。非一時間。余安
所之。舊家還相邇。老丈莫怪我說。你執青青竹枝。托
翠翠花瓷。豈丈夫之事。你指望人施。只恐怕還蹴爾。
勸你須改矣。莫勤斯我。非他於陵子。

亦用古文章法

生笑介。原來食蠟餘的陳仲子。就是你。怪道如此。
模樣識時務者。謂之俊傑。你豈儒焉。知時務乎。陳
小生在言。還請尊教。生聽俺道來。

前腔。聞卿久。纔會之。果然而顏酸若斯。伊兄良可師。
如卿不堪齒。你撒哀哀老慈。戀款款嬌姿。豈獨非人
子。你試一深思。可道是今堪灰。我也深愛你。故孜孜。

我非他齊人是

陳原來是齊人。老丈承教了其人。不甚非其言。亦

大是下生。這腐儒去了。汨汨世中。應是難得此輩。

今世皆若人。吾又何必喬粧至此乎。不免歸語妻

孥。爲之笑笑。世上如君是丈夫。汨汨濁世。不應無

吾非故爾輕談笑。只爲而今不重儒。

第十八齣 出而哇之

田戴共母夫人。僕從上。朱門榮戟。獨陰森。齊國之

中人共欽。高堂不免多長嘆。難轉於陵遊子心。俺

蓋大夫田戴是也。與母親享萬鐘之祿。安藉纓之

豫郎戲態
知見而進
手舞足蹈
騰馬照天
人工

貴、頗是安樂、奈家弟未歸、下官不免有在原之歎、
俺老夫人不免有子季之思耳、母我兒、我憶念伴
子、昨日夢他來家、好生歡喜、今朝只你在前、好生
悶鬱也、田母親且自寬懷、倘仲子或有歸來之日、
也未可知、老僕上既作蓬蓽人、何來朱門裏、稟老
爺、二相公回來了、田母親回來了、謝天謝地、母你見
誰說來、僕小的見街上喧喧嚷嚷說、廉士來也、故
此知二相公歸了、田快去門前候候、來時疾忙通
報、僕應下、陳傘袱上

北醉花陰、爲甚麼離却衡門、赴青瑣、好幾日奔馳道、

左。俺。長。領。却。那。煙。蘿。走。風。塵。好。是。難。過。便。待。回。西。山。
臥。僕。報。介。二。相。公。到。了。田。接。介。陳。打。躬。介。哥。哥。久。違。
了。敢。勞。着。你。這。錦。衣。哥。早。則。是。出。華。堂。來。接。我。

共。進。見。母。介。不。孝。兄。久。違。膝。下。望。母。親。恕。罪。揖。田。
介。長。兄。拜。揖。母。我。兄。這。幾。日。想。殺。我。也。你。在。於。陵。
可。好。麼。陳。托。母。親。哥。哥。之。福。幸。爾。粗。安。孩。兒。因。記。
掛。母。親。故。此。不。遠。而。來。母。生。受。你。了。陳。哥。哥。嫂。嫂。
好。麼。小。弟。這。次。不。敢。請。見。田。不。勞。了。母。親。陳。介。我。
兄。直。恁。餓。的。瘦。也。

畫。眉。序。吾。已。鬢。成。皤。見。汝。容。顏。更。推。挫。歎。齊。荆。途。路。

如此對
是元人使
個

遠隔烟波你餓三朝幸藉蟭蟧生只兩口未甘熬
霍不然怎的形容弱好教我肝腸如割。

陳這是生成如此不必過慮孩兒倒忘記了你小

媳婦沒有甚孝順績得麻兒半斤聊克母親一線

之費對田介長兄小弟窮苦也沒甚相敬所織粗

鞋一雙奉上解包取送介母田你那里來路好要

你的還自用罷陳這是我與娘子一點薄意定要

笑留

北喜鶯遷窮困兒並無奇貨只些須自愧微薄娘也
麼哥這履兒是男親做這麻是你媳婦將來孝阿婆。

東郭記 上卷

雖輕約也是俺夫妻生活望尊親鑒此如何

母笑介既如此哥哥可收了他的僕提鵝上先來
一條曲蟾後送一隻肥鵝稟老爺王驛大夫送一
隻鵝在此田收了他的陳賊眉介哥哥收這東西
做甚丈夫寧餓而死惡用是駢駢者爲哉田笑介
賢弟我每士夫交際豈止一鵝況他既送來却之
不恭矣

畫眉序收此未云多吾輩簪纓禮儀大有金珠錯落
壁玉嵯峨你高隱輩雖則嫌憎俺士夫每常收些箇
卿來無物爲卿樂權把做一餐消餓

陳俺狠也不欲見他。況於食之乎。曰笑介。陳哥哥。你尚不知你阿舅的苦操也。

北山隊子想着咱清操頗頗。考槃間獨晤歌。若是出於陵俺駿也不駿。只俺夫妻一口水兒啞呀。這顰顰之聲好是聒。

田明日公行子家。開靈士夫。每約同相弔。待去備辦禮儀。兄弟且暫坐一坐。再來陪話。下母。下院子。可將這鵝宰了。候應下母。我兒不道你這般瘦了。你不來也罷。你既來了。俺做娘的怎看得你過。今日可可的送這鵝來。便宰了請你。陳母親再不要。

東郭言

如此孩兒就去了。母你不要苦違了老娘這點意
思、便嘗也要你一嘗、

滴溜子勸我兒、勸我兒、須當允諾、從母命、從母命、有
又通本草何不可也、消得你遠來口渴、陳搖頭介這實難從命、

母難道你母親言都厭我、大殺你仲子孩兒、聽娘揀
掇、

僕捧熟鷄上介、母我兒、可趁熱喫些、也使我老娘
歡喜、陳接介俺陳仲子若非從母之命、怎食此鰥
鮒之肉乎、

北刮地風呀、一霎時鼎中調、席上羅、好教咱幾度沉

哦。是萱慈再四央着我。須不似龍汁招訛。較不比羊頭伏禍。俺只得唇外微過。母兒是必嘗一塊。纔是孝順的兒。陳定要兒嘗也麼。可教俺奈若何。真逼勒的無方躲也。索盡些些。沒奈騰那。只怕陡遇着俺那官哥。

田上陳忙遞介田指介

雙聲子。腸兒餓。腸兒餓。一口的。還偷撮言何。左言何。左一。眼的。輕。瞧。破。沒處躲。却怎可。却怎可笑。靈龜合爾。朶。願。觀。我。

陳慚介大兄責之有理。俺陳仲子真沒得解說也。

走介

北四門子 猛然間熱語閒提掇。唾介 唾唾唾唾出他
這片鵝。好教咱嘔的肝腸脫。他在喉嚨可也還未磨。
好也。唾出來了。母出哭介 我的兒。朝着風這樣唾。便
喫這一塊。也不做肉。陳喫也幾何。唾也沒多。却教老
親娘放不落俺臨風唾。俺可也把眼兒慢抹。肚兒慢
擻。這的是福消不過。

母 快取茶來。與二相公遞茶介 我的兒呵。

鮑老催 淚珠兒掙墮。生刺刺敢擻的咽喉破。是哥哥
不。合。來。相。貼。是。娘。親。愛。惜。他。生。來。禍。一。盃。苦。茗。休。推。

托口中酸氣須搜括。且將息坐一坐。

陳放茶鍾怒走介

字字神來

北冰僊子

呀呀呀俺來甚麼險險險。險把俺半世清

名累的訛。

母扯介

陳

苦苦苦苦的這白髮漣漣。想想

想想着俺紅顏姍姍。怎怎怎。怎知咱遭此磨。可。可。可。

可不如井李也多去去去。去去去。依舊於陵老薜蘿。再。再。

再。再。不來朱戶親花。蔓。蔓。梅。梅。田。田。介。拜。拜。拜。拜。別了。你。這。

好哥哥。

欲下母扯介我兒。便要去。今朝去不得也。

雙關雞癡兒。忍割娘心似挫。便去於陵。怎麼。怎麼。把。

陳既如此、孩兒暫且歇下、只久別了於陵也。

北尾碩人過松桂雲應鎖嘆介俺好一似舊蘇秦遭
摧挫從今歸去呵須老死在陵阿再不向這蓋大夫
門下過共下

第十九齣

吾將購良人之所之也

駐雲飛旦小旦上嫁得多才日日街頭去復來欠了
俺冤親債不奈他風情大乖笑對俺兩裙釵十分恩
愛消受他款款溫存好教俺羞惱無奈出如嬌妹羞雙雙眼怕

旦姊妹良人自夏中與你成親後又不覺仲秋來
矣他日日醉飽而回好是風情蕩漾俺如姊妹也
當不過這浪子也還有一件他朝朝醉飽未知何
來今日回時須問他箇端的倘有勢交貴友也是
俺爲妻小的榮耀也小旦待他來時問他便了生
禿頭披衣作醉態上

前腔破帽丟開又作翩翩美俊來小旦迎介郎君回
了生小的前來拜大的人何在樓小旦介孩愛你小
身裁把羅裙索解旦出笑介可又醉了生揖介俺將
伊令妹偷親你休耍心兒怪旦笑介可是怪哩生一

笑知卿不介懷生倚旦介

前腔旦故意相挨爲問卿卿何處來。怎不把巾兒戴。
直恁的風魔態。生摸旦懷介旦歪。何處錦筵排。將伊
畱在。弄得你酒興顛狂。活把人兒害。試屈指良朋笑
口開。

前腔生俺好一品人一品人材盡處交游富貴來。相與的皆冠
蓋邀飲的都豪邁。旦是那幾位顯者呢。生猜齊國幾
人哉。晏嬰不在。便那管氏夷吾。他可也違時代。一任
閨中細酌裁。

前腔小旦俺對語粧臺。兩兩何曾出戶來。不似你常

遊外。那里問三千客。缺怎的。爲伊猜。瞞咱索奈。只看
你言語支吾。未必交遊在。料得相知也有涯。

前腔。生醉矣難捱。快抱衾裯上榻來。苦爲這賢豪費。
也只爲交情大咳。我未際困塵埃。他故人情藹消受。
他鳳髓龍肝。我寸舌應嚼壞。愧沒歸遺兩女才。

我睡去也。旦扶下復上。

前腔。好是疑猜。常道豪華席上來。又不把名兒賣。胡
亂將言詒。唉。他覷俺似嬰孩。大言相駭。果是他顯者
相役。應出形骸外。怎不高車駟顧柴。

前腔。小旦慢爲差排。試與夫君共去來。識破他生平。

態自沒得胡遮蓋。挨今晚且寬懷。明朝先待踪跡相隨。看甚樣人兒采判。取這多情才不才。

旦姊妹言之有理。你年紀弱小。且自在家待俺明日早起。隨他便了。今夜你可陪他睡去。敢避五更寒。明朝早起看。爲愛情親極。閨中不自安。

第二十齣 蚤起

七娘子旦持燭上。清秋早起羅衣顫。爲良人盼望心穿。玉漏將終。明星猶爛。淚痕界破殘粧面。

小童山八月秋風起。歎吁。憑霄愁不寐。意何如。寒蛩唧唧。似憐予。粧臺露冷。一身孤。奴家昨日與妹

妹商量。瞞我良人。一夜等不到曉。只索燃燭梳粧。
隨他踪跡也。梳粧介

渙家傲。爲甚麼曉絕梳鬟。八月天。對着這玉露商飈。
繁霜冷。烟如雲鬢。髮粗粗。展蛾眉低偃。也只索垢面。
口也。改作乞婦。了。蓬頭淨洗朱鉛生。恐怕窮窈窕。風姿風姿兒。炫市塵。

頭已梳完。再把衣裳易換了。易示介

剔銀燈。脫下了輕羅細絹。早換上粗衣一件。一撮撮。
腰係着一絲絲。裙兒旋一丢丢。脚用着一星星。綾兒。
纏。嫣然還須小扇。一路上把紅顏遮着半邊。

我想此一出門。若良人果與豪華爲友。也不枉俺

一片心兒。倘有不然。兀的不羞殺俺施從的妻子也。

擲破地錦花。好難言。只願得朱門宴。便早早旋待傳。向俺在室嫺娟。若或差池。怎不理冤。好姻緣。恐未必。出人前。

呀。天已明了。他將次出門。俺索隨他去也。行介

麻婆子。良人良人。將出戶。知卿何處延。室子室子。相隨步。爲君不自憐。內家誰共外。廂窗恨儂。早不將伊。尅。如今呵。秋風蓮步離庭院。抵多少。繡被日高眠。覓得男兒。譜白首。出門日日豪杯酒。未知果否好。

知交妻子相隨簾外走。

第二十一齣

編國中

難頭孤叶
又種種入
情

出隊子田大夫僕從上春秋合渙。春秋合渙。日月雙輪痛似丸。素冠聊擬棘人樂。蕭索西風墓木盤。慢薦蒸嘗。淒淒夜漫。

下官田戴今日乃清秋節。屆隕霜殺草爲子孫者。有先祖之思。先塋却在東郭之外。只索向前去祭也。慢薦蒸嘗。淒淒夜漫。下

前腔王驪僕從上先塋親灌。先塋親灌。地脉培子已風味第一。要緊。做官從今齊國重王驪。一路鏘鏘鳴遠鑾。風景依然。

青山碧湍。

下官王驪便是前日進賄於田戴聞之吾君拜爲大夫之職。俺子敖是箇能人。百方媚主。當今極爲寵。作思量起來。此皆俺祖宗之福也。今日秋祭之時。只索東郭一奠。以盡俺心。家僮前面與馬是誰家的僕。便是田大夫老爺。王既是田老師。讓他前去。風景依然。青山碧湍下。

前腔。生乞態上。

荆條木。益荆條木。益名利場中儘意。

搬雕鞍。續鼓與盤桓。要路閑門。揀着鑽。且自豪雄城。

東一歡。

你看紛紛秋祭的，都往東邊去了，俺索跟他一遊。

且自豪雄城東一歡下。

前腔。且走上。暫離朱慢。暫離朱慢。嗟彼無良。涕淚酸。
那些口裏士夫團出外。原來醜行完。覷這行藏紅顏
命拚。

奴家早早尾他出來，誰知出了門兒，便作這般打
扮。咳，我姐妹好苦。怎生嫁着這樣的人。且自遠遠
隨他，看又做甚的勾當也。覷這行藏紅顏命拚下。

前腔。生上。危樓飛觀。危樓飛觀。半捲朱簾。隱鳳鸞。呀。
却早雨來也。遮頭走介。白雲一片出烟巒。秋雨沾衣。

風帽寬向內拱介列位長兄請了呀他公然不采還
指着俺罵也咳汝輩豈遂勝我乎矣自尊高同吾一

般下

前腔旦上為君腸斷為君腸斷徧國無人青眼觀還

誇飲食盡衣冠終日空將妻妾瞞步步難行雙眉白
攢夫人却推明白

咳罷了分明嫁了箇乞丐了且自隨他出郭看待
何如丈夫不成器兒女大傷心

第二十二齣

卒之東郭墻間之祭者

田僕上早到俺墳邊也王僕上早到俺墳邊也王

見田介老恩師拜揖田賢契敢亦來祭祖麼王然也聞老師令弟亦已歸府怎不同來田他矯才太過不屑同來王原來如此俺每就此祭祖既灌之後共享祭餘家僮可把禮物擺下衆動樂器祭祖

介生上

早出了東郭到此燔間也我想徧國之人

衆

俱勢利小人耳焉能物色我於塵埃之內乎呀那

兩個貴官却已祭祖也衆祭畢介王老師我每可

就此共享餽餘猜拳行令王田飲酒介生近前介

呀那鬚子好似王子敬他怎麼就得到此況既是

子敖怎生不認得我可是狀貌偶同不足介意一

路遠來饑餓不免向前求些祭餘者向王田介老
大人可把俺些酒肉充饑者僕罵介咒花子我每
還未受用你便來討喫哩生呀這些家僮太是欺
人也呵

不減此韓航海

北新水令風塵寥落自興嗟歎齊人傷哉貧也骨緣
金氣老恨向楚天賒對景淒絕倍教人壯心烈

步步嬌旦上看秋容一片荒郊寫盡處霜紅葉愁來
不可遮滿眼蒼山粧點出兒郎劣羞他廉耻沒些些
對野花黃蝶增悲咽

你看他立於祭者之旁多是乞其餘矣俺且遠遠

的。駁着他。生。老大人。我肚兒饑得緊了。快賜與酒肉者。

北折桂令。您可也是三齊兩位英傑。須念俺不速而來。興致豪俠。雖然你受用華奢。有的是流蘇錦帳。油壁香車。須索把孤寒提挈。方顯得富貴超軼。不是俺饒舌。不是俺言邪。只足下可早些見成業與不佞也。
真不差。
不甚差迭。

田。這花子却是箇風的。不要多說。俺賞你酒肉去。
僕與介兩三塊鴨肉。賞了你去。生接食介。酒也賜。
兩鎮壓田。再把酒與他些。僕與生飲介。旦。虧他一。

兒喫得下也

江兒水齷齪齷齪他咽。脰臍臍怎下舌。這般口嘴真不潔。這般態度真無藉也。教人見替你爲妻妾想着。俺伊前風月好是羞慚。祇爲箇乞人周折。

生再求這一位大人賜些。王你也勾了。生嘗得甚的。你這老先模樣。我有些認得你。王你認得我。我却。不認得你。俺富貴的人。便親知故舊。那一箇看得在眼睛哩。生笑介。俺又有甚麼人在眼中。平肚兒儘是未飽。索與俺酒肉者。王家儘省得他纏俺也。與他些去。僕與介造化你。又是半碗雞骨頭。一

瓶老酒、生接飲食介

北鴈兒落帶得勝令領了那老大人鵝半截。又待領
這老先生雞一碟。不是俺做男兒齒口舌。可道你做
尊官有交接。想着俺好賓朋素俠邪。指望你賢主人
休拋撇。爲甚麼把諸兒酒肉賒。可道俺享子孫的春
秋節。權把俺做了您祖與爹。權把伊做了俺枝和葉。
瓜瓞您爲俺享祀兒。能豐潔。非別這是咱血食兒不
應絕。

衆僕推介花子醉了。胡說亂道。怎的且頓足介你
看他憑人推拽。好是沒氣魄也。

僥僥犯着他箇扯去推來身半斜。要人憐無多說。陪
着臉粧聾作呆。那心情太劣。只貪這口酸膿血。憑他
扯得皮膚裂。好教我恨着他。還爲擔疼熱。

〔生〕那盤中還有許多刺。下一發把了俺罷。田王真
真可厭。推他開去。〔僕推介〕生怒介。

北收江南呀。眼前尚未辨龍蛇。休把我便摧折。一會
價人兒做兩截。前番恭敬總虛竭。恁悠悠可嗟。恁悠
悠可嗟。您可也爲德不卒。未豪奢。

〔僕推生倒介〕且苦直推倒也。這賤骨頭呵。

園林好在家中將他愛也。又何曾輕湯半些。似這樣。

的一交橫跌敢捏得手兒癩敢撞得脚兒折

生持棒舞介僕還不去生這青山綠水都是你家的麼

北沽美酒帶太平令這的是古今來相共者這的是

古今來相共者須不是您兩家的私產業覷了這古

塚累累白日斜那些箇久驕奢可是沒方法把春賒

看蕭蕭白楊丹葉狡狐兔穿透了荒穴弄牛羊踰躅

了錢碣你呵誇甚的豪傑大俠到斯時存耶否耶呀

笑殺了齊景公牛山嗚咽舞棒下

田王這分明是箇風子別被他攪這一場家僅每

快些收拾回去。衆應介王曰上車行介。

清江引暮光又早生新月。野曠西風冽。狂夫直恁邪。心喪應難說。俺且歸臥紅粧談笑也。共下。

旦人之無良。我以爲夫。他已是爛醉去了。這兩箇官兒也去了。俺索從舊路早赴家中。說與姊妹知道。

尾聲他在家可是心兒熱。指望他做嘉賓歡悅。又誰知底樣兒。那難訴說。

東郭記上卷 終